

STN – BLADET

Medlemsblad for
AVSLAGET FOR SIDET TRØNDERFE OG NORDLANDSFE

Nr 1. 1998 Årgang 9



*Kyr på beite ved Rye i Meldal ein sommar tidleg på 1950-talet
Meldal var den gongen ei av dei bygdene som var lengst framme i STN-avlen*

ÅRSMØTEINNKALLING

"MED STN I FJELLBANDET"

SNÅSAFEET

OKSELISTER

OKSEVAL TIL OKSEMØDRE


NYTT FRÅ STYRET

NY STN-LOGO

"ØSTERDALEN KALLER"

STN

Avslaget for sidet trønderfe og nordlandsfe



Avslaget for STN

Formann
Leif Gjessing
2443 DREVSJØ
Tlf: 62 45 95 71
Faks: 62 45 95 91

Nestformann
Jostein Stige
8200 FAUSKE
Tlf: 75 69 76 59

Styremedlemmar
Grete Løvaas
2643 SKÅBU
Tlf: 61 29 55 56

Amund Wormstrand
2263 BRANDVAL
Tlf: 62 82 51 30

Oddvar Dahl
7194 BRANDSFJORD
Tlf: 72 53 75 25

1. varamedlem
Odd Roar Stenby
1925 BLAKER
Tlf: 63 82 80 44

Sekretær/ Kasserer
Atle Meås
2634 FÅVANG
Tlf: 61 28 46 77
Faks: 61 28 46 49

Livdyrformidlar
Odd Rossing
7633 FROSTA
Tlf: 74 80 78 35
Faks: 74 80 70 01

Godt nytt STN-år !

STN-Bladet går no inn i sin 9.årgang, og konstaterer at overgangen frå å vere informasjonsblad til å bli medlemsblad gjekk greit.

Avslaget for STN går godt, sjølv om ein del teikn peikar mot därlegare tider. Vi har inntrykk av at vi er inne i ein periode der fleire av våre medlemmar av forskjellige grunnar er i ferd med å gje seg med mjølkeproduksjon. Enda fleir nye krav og forskrifter kan ta motet frå mange. Ordinga med kjøp og sal av mjølkekvoter verkar dessverre etter hensikta og framskundar avviklinga av mange mjølkeproduksjonsbruk.

Talet på 1.gongsinseminasjonar med STN-sæd minka litt i siste seminsesong. Nedgangen er ubetydeleg, og kan kanskje til viss grad skuldast auka bruk av gardsokse, men det tydar i alle fall på at vi held på å nå taket når det gjeld bruken av STN-sæd. Men kjem vi så langt at dei vel 3500 insemineringane blir gjort på reinrasa STN-dyr, må vi likevel seie oss fornøgde. Dit er det imidlertid langt att.

Apropos gardsoksar; dei av dykk som vi veit eller trur har brukt gardsokse siste sesongen har fått tilsendt spørreskjema om bruk av gardsoksar. Vi håpar de vil sende inn at desse så snart som råd, slik at vi kan ha resultatet klart til årsmøtet. Har du brukt STN-gardsokse men ikkje fått slik skjema, kan du ta kontakt med oss.

Treffest vi på Frosta ?

Avslaget for STN
2634 FÅVANG

Kontortid: Onsdagar 11.00 – 21.00
Telefon: 61 28 46 77
Telefaks: 61 28 46 49

AVSLAGET FOR STN INVITERER TIL ÅRSMØTE OG MEDLEMSTREFF

27. – 28 mars på Vertshuset Vågen i Frosta i Nord-Trøndelag.

PROGRAM

Fredag 27.mars :	13.00 – 15.00 Årsmøte Årsmelding, Rekneskap
	15.00 – 16.00 Kaffepause
	16.00 – 18.00 Årsmøte Innkomne saker*, Valg
	19.00 - Festmiddag
	20.30 - ? Årsmøtefest Dans, Kaffe, Ku-prat

* Sjå Nytt frå styret side 10.

Laurdag 28.mars:	07.50 – 09.30 Frukost
	10.00 – Gardsbesøk

Frosta ligg 7,5 mil nord for Trondheim, 4 mil nord for Stjørdal (Værnes) og 4 mil sør for Levanger. Den som kjem landevegen (E6) tek av mot Frosta ved Esso-stasjonen på Åsen. Frå krysset er det ca 16 km til Vertshuset Vågen, langs Rv 753.

Det er også samband med Tog/ Buss frå Trondheim / Stjørdal / Levanger for den som kjem anten med nattoget nord- eller sørfrå eller med fly til Værnes. Meir opplysningar om dette kan du få av Odd ved påmeldinga.


Prisar:	Pr pers i dobbeltrom inkl middag / frukost: kr 450,-
	Tillegg for enkeltrom kr 100,-
	Rabatt pr person med ekstra seng - kr 50,-
	Kun middag kr 150,-

Styret i avslaget håpar at mange STN-interesserte vil kome og vere med på årets årsmøte på Frosta. Vi minner om reglane for stemmerett; Kvart bruk har, ved personleg frammøte, to stemmer pr bruk. Den er registrert som medlem som har inseminert med STN-sæd i sesongen 1996/ 1997, eller har betalt medlemsavgift direkte til avslaget i løpet av 1997 eller 1998. Er du i tvil om du har betalt eller om stemmeretten, kan du ta kontakt med avslaget !

**Påmelding til Odd Rossing 7633 FROSTA
Telefon: 74 80 78 35 Innan: 13. Mars**

Alle vel møtt !

Med STN i fjellbandet.




Ein dag i juni på Brenden Søre i fjellbygda Skåbu

3 mil vest for Vinstra i Nord-Fron kommune i Gudbrandsdalen ligg fjellbygda Skåbu. Her, 740 meter over havet ligg garden Brenden Søre, bruket til Grete Løvaas og Jostein Brenden. Høgt og fritt opp i mot fjellet driv dei med mjølkeku og sau. Også hobbydyra da, Hesten til Jostein og Grete sine høner. Medrekna ein del leigd areal, onner dei vel 130 dekar jord. Av dette ligg ca 50 dekar 940 meter over havet på setra i Epedalen (mot Vestre Gausdal). Som mange andre plassar i Gudbrandsdalen, er heimejorda heller bratt og derfor delvis utlagt til beite. På setra er det derimot flat og fin, men til gjengjeld svært steinrik jord. Buskapen på garden består av 12 – 13 årskyr og ca 40 vinterföra spelsøyter.


Grete og Jostein tok til å inseminere ei av sine NRF-kyr med STN-okse sist på 80-talet. Jostein beskriv starten som eit "nostalgisk eksperiment". Dei hadde nokre slike kyr på Brenden da han var gut, og han hadde lyst til å prøve ei slik

"Oppdalsku", som dei vart kalla i Skåbu den gongen, att.



153 TYRI F: 20.08. 1990
Far: 9079 Kark (Stb.ført gardsokse)
Morfar: 9078 Truls. Den første reinrasa kua Grethe og Jostein kjøpte inn.

Dei første åra fekk dei berre oksekalv, men da dei på Oppdal i 1990 for første gong deltok på Årsmøtet i avlslaget, hadde dei endeleg fått sin første kukalv! Da fekk det ikkje hjelpe at kalven var einsfarga svart, var etter 9035 Korssjøen og dermed hadde minimalt med STN-blod i seg. Dei tykte møtet på Oppdal var veldig inspirerande, og det var da det heile "tok av" som dei sjølv seier. Dei sette seg på ventelista hos livdyrformidlaren, og dei første STN-dyra vart innkjøpte frå Rennebu og Arneberg. Sia har det berre gått i ein retning, og dei har no 10 STN- og STN-kryssingskyr. Dei har att 2 NRF kyr, men Grete presiserer sterkt at det er Jostein sine.



GULLSI er 2 generasjon STN-kryssing.
Far er 9066 Miro og Morfar 9022
Wickstrøm. Grete tykkjer brandsidete kyr
er spesielt vakre, og vil gjerne ha fleire
brandete STN-dyr

På Brenden driv dei med setring, og den ei mil lange vegen til setra i Espedalen går folk og dyr både vår og haust. Settersesongen tek til ved St.Hans og som oftast flyttar dei heim att i slutten av september. Kyrne streifbeitar i skogen i setertida, og den gongen dei hadde berre NRF kyr, var dei svært plaga med at kyrne ikkje kom heim att om kvelden. Dei måtte gå og leite dei opp og jage dei heim kvar einaste kveld. Frå første dag om våren til

siste dag om hausten. Dette vart gradvis betre etter kvart som dei fekk fleir og fleir STN, og dei siste åra har dei ikkje behøvd å gå etter dyra ein einaste dag! Ein annan ting som Grete og Jostein meiner å ha observert, er at STN-dyra utnyttar utmarksbeitet betre enn NRF-kua. Ein vår dei kom til setra var det svært tørt, og graset var derfor nesten ikkje kome i vekst. Derimot var det rikeleg med lyng og lauv som STN-dyra tok med større appetitt enn NRF-kyrne. Resultatet vart at mjølka minka i NRF-kyrne, medan ho heldt seg eller enda auka i STN-kyrne. Dei tykkjer også at dyrleken har vorte ein sjeldnare gjest etter at det vart mest STN i buskapen.




150 KVITLIN Fødd: 24.01. 1992
Far 9055 Hopp. Morfar: 2 Viger SKB
4 års middelavdrått : 4514 – 4,2 – 3,3
Kvitlin er fødd hos Arne og Anne Kari
Saxerud i Arneberg. Ho er mor til den
ene av oksekalvane som er innkjøpte frå
Grete og Jostein.

Avlsplanlegginga er det Grete som tek seg av. Ho fyller ut stamtavler for alle nye kalvar, og plukkar ut seminoksar til kvar ny sesong. Ho seier at inseminørane har vorte svært mykje flinkare til å bestille og ha eit godt utval av STN-sæd enn dei var i starten. Det er viktig å gje dei skikkeleg informasjon, og kanskje bruke litt kjeft og, om det er nødvendig. Men minst like


vikting er det å skryte når alt går bra seier Grete. Det ho legg mest vekt på ved val av okse, er at oksemora har eit brukbart jur. Ho tykkjer det kan vere så ymse med juret til ein del STN-kyr og ho er av dei få som undersøker om andre har erfaring for korleis avkom etter dei einskilde oksane blir, mellom anna med omsyn til jur og spenar. Ekstra interessant blir det sjølvsagt å drive avl når ein tek til å få såpass gode kyr at ein kan sende inn tilbod på oksekalvar til semin. To oksar har gått til testing frå Brenden dei siste åra. Den første av desse kjem kanskje i oksekatalogen no til hausten.

Jostein tykkjer avslaget burde arbeidd noko meir med å skape eit miljø rundt STN-kua. Årsmøtet med medlemstreff er svært inspirerande, men det er berre ein gong i året, og for mange såpass langt unna at dei ikkje ser seg råd for å reise kvart år. Han trur det er ein god idé å lage lokale "interessegrupper" slik som dei no har gjort i Sør-Trøndelag. Folk kan da møtast ein gong i mellom og diskutere felles interesser. Det er viktig å kjenne fellesskap med andre som driv med det same. Eit slikt opplegg krev sjølvsagt at det finst ein del eldsjeler rundt omkring som kan dra i gang slike grupper.

Jostein og Grete har så langt ikkje angra på at dei byte ut NRF-kua med STN, og dei meiner at ho høver godt inn i deira driftsopplegg, med setring og utmarksbeiting. Men dei har også andre interesser enn ku. Når dette bladet kjem ut er dei sansynlegvis ikkje heime, men er på Rørosmartnan og kører hest !! Det er sjølve livet. I alle fall i følge Jostein !




151 FLISA Fødd: 18.02. 1992
Far: 9055 Hopp Morfar: 9041 Biljett
4 års middelavdrått: 4057 – 4,1 – 3,3
Flisa er også fødd hos Arne og Anne Kari
saxerud, Arneberg.



NY STN – LOGO

STN

Avlslaget for sidet trønderfe og nordlandsfe




Slik ser den altså ut, den nye logoen til Avlslaget for STN. Den vil etter kvart kome i bruk på konvoluttar og brevark frå avlslaget, og på andre ting vi måtte finne på å lage for å marknadsføre avlslaget og STN-kua. Vi sender ein stor takk til Karl Gustav Hedling i Sverige som skaffa oss så flink teiknar, Rune Wenliden. Kua på logoen er for øvrig 138 Terne, mor til seminoksen 9119 Småsjøkongen. Far til Terne var 9058 Havidal.


Før vi seier endeleg farvel til dei to gamle "logokyrne", kan vi kanskje sjå litt nærmare på dei òg. Det er to fine 1. Premiekyr frå Oppdal. Dei er etter to av 50-talets mest berømte STN-oksar, og begge deltok på den store "Landbrukets jubileumsutstilling" på Ekeberg i juni 1959.

STN

Avlslaget for sidet trønderfe og nordlandsfe



Logoku nr 1: **8433 LAILA** 1. pr
F: 14.11. 1947 Hos: Olav Hoel, Lønset
Far: 5292 Geir Lønset 1. + 1. pr
Beste år: 1957 : 5598 - 4,5 - 252



Logoku nr 2: **8434 VIGDIS** 1. pr
F: 03.02. 1950 Hos: Olav Lien, Driva
Far: 5429 Lykkemann 2. + 2. pr
Beste år: 1954 : 4700 - 5,3 - 248

NYTT FRÅ STYRET

Her følger eit samandrag av enkelte saker som vart behandla på styremøte halde på Hallsteingård Oksestasjon 14.01. 1998.

I

Det var kome inn eit oksetilbod til dette møtet. Kalven er etter spesialinseminering med 9006 Nero, og mor er 266 Marsy hos Ingebrigts Moen i Vindøla. 266 Marsy er etter 9054 Bazar, og mor hennar, 182 Lea, var den siste kontrollerte kua etter 8985 Jo Langen. Oksekalven er dermed linjeavla på 8985 Jo Langen, da denne også er far til 9006 Nero.

266 Marsy har så langt i gjennomsnitt for 6 år mjølka; 4883 – 4,5 – 3,3. Ho har alltid teke seg på første inseminering, og har eit kalvingsintervall på 11 månader.

Kalven er svartsidet, mørk.

Det vart einstemmig vedteke å kjøpe inn kalven.

II

Det var til styremøtet kome inn ein søknad og ein forespurnad om å få kjøpe seminoksar til liv etter at dei er ferdige på oksestasjonen. Den eine søkeren er opdrettar av oksen. Avslaget har eit styrevedtak frå mars 1994 som seier at seminoksane **ikkje** skal selgast til liv. Grunnane til dette er fleire; Eit hovudpoeng med å nytte ein del gardsoksar er å få brukt fleir oksar i avlen, og dermed gjere avlsbasen breiare.

Ein vil ikkje oppnå dette ved å bruke seminoksane som gardsoksar. Seminoksane skal uansett vere tilgjengelege for alle.

Verksemda til avslaget er dessutan avhengig av at vi får inntekter ved sal av flest mogleg sæddosar.

Vedtaket frå 1994 vart opretthalde, og både søknaden og forespurnaden vart avsleagne.

III

Rissa interesseforening for STN har under planlegging ei STN-utstilling i samband med Rissamartnan hausten 1998. Dei søker avslaget om støtte til å dekke kostnader i samband med dette.

Styret vedtok å dekke 25% av dei budsjetterte utgiftene. Det blir krevd at dommarane skal vere godkjente av avslaget.

IV

Ny "logo" for avslaget. Dette har vore eit tilbakevendande emne. Under årsmøtet i Mosjøen i 1996 presenterte styret ei teikning som kunne vere aktuell til ny logo. Styret fekk fullmakt frå årsmøtet til å bruke denne for å lage ny logo.

Den nye logoen er no klar, sjå annan plass i dette bladet! Den vil etter kvart kome i bruk på brevark og konvoluttar frå avslaget.

V

Bruken av oksen 9160 GARP. Dette var den siste av dei 7 oksane vi har importert frå Sverige. Desverre fekk vi ikkje inn denne på NRF sin testingsstasjon no sist haust.

Det er imidlertid viktig at vi får brukt oksen, slik at vi kan få avkom etter han. Avslaget inviterte defor i siste nr av STN-

Bladet folk til å melde frå om dei kunne tenke seg å bruke oksen for ein kortare eller lengre periode i 1998 og 1999. 7 brukarar har så langt meldt seg interesserte i å bruke denne oksen.

Da eit av måla er å få inn ein eller eit par sører etter oksen til semin, vart det vedteke at buskapar som er med i husdyrkontrollen skal prioriterast.

VI

Svensk Fjällrasavel ønskar å kjøpe 600 dosar av kvar av oksane 9150 Tor etter 9007 Lano og 9151 Loke etter 9010 Øst-Tor.

Styret vedtok at eksporten skjer til same betingelser som ved den planlagte, men dessverre mislykka eksporten av 9129 Hovdal.

VII

Fjällkon og STN-Bladet ønskar å lage eit nytt fellesnummer. Første forsøk vart godt motteke av medlemmane både i Sverige og her i landet. Erfaringa frå sist viser imidlertid at ting kan ta noko lenger tid enn planlagt, og at ei derfor bør samarbeide om nr 2 eller 3. Nr 1 inneheld årsmøteinkallinga, og har derfor stuttare tidsfrist enn dei neste numra.

Dersom Svensk Fjällrasavel vil, prøver vi å få til ei fellesutgåve av Fjällkon og STN-Bladet i mai/ juni 1998.

VIII

Norsk Bufe er gjort om til eit samlingsforum for (avls-)laga for dei gamle norske storferasane. Leif Gjessing representerte avslaget for STN på

stiftingsmøtet som fann stad i Hemsedal i oktober.

Eit vesentleg punkt for danninga av dette samlingsforumet er å behalde Norsk bufes sin plass i genressursutvalet.

Det er foreslege at dei forskjellige laga bidreg med ein viss sum pr medlem til drift av Norsk bufes sitt arbeid.

Leif Gjessing vart vald til leiar av det nye Norsk Bufa, og er laget sin representant i genressursutvalet.

IX

Jubileumskalenderen for 1996 var ein suksess. Avslaget vil prøve å lage ein ny kalender for 1999. Grete Løvaas og Atle Meås står for dette arbeidet.

X

Innkomne saker til Årsmøtet

1. Forslag frå Georg Hopstad, Brandsfjord

” Vil gjerne ha tatt opp på årsmøtet 1998 om det er stemning for å flytte årsmøtet til sommerhalvåret f.o.m. 1999, da jeg tror dette vil åpne mulighetene for årsmøtet. Bl.a ikke så avhengig av hoteller o.l. Lettere å komme til årsmøtet (snø – is – kjøreforhold). Kan kanskje tenke meg at siste halvdel av juli – første halvdel av august kunne være et passende tidspunkt.”

Styrets uttaling:

Styret går einstemmig imot å endre tidspunkt for årsmøtet frå seinvinteren til sommaren.

2. Forslag frå Rissa Interesseforening for STN.

” I rasestandard for STN-rasen er det et punkt vi vil ha endret. Tidligere så het det at; ” Mulen, augelokka og øyrene vil alltid ha farge.” I den nye rasestandarden heter det nå; ” som oftest ha farge”

Dette ber vi om blir tatt opp som sak på årsmøtet 27.mars 1998. Den endringen som er blitt gjort i løpet av året er til stor skade for STN-rasen. Det er den gamle bestemmelsen som er riktig.”

Styrets uttaling:

Avslaget har ingen gammel rasestandard der det står at ”Mulen, augelokka og øyrene vil alltid ha farge”. Dette var kun et forslag til den rasestandarden som ble vedtatt i 1997. Styret går mot en stemme inn for å beholde punktet slik det ble vedtatt av årsmøtet i 1997.

Begge desse sakene vil bli tekne opp til diskusjon på Årsmøtet.

Nytt Interesselag for STN


Vi er nokre gardbrukarar som vil prøve å dra i gang eit uformelt interesselag for alle som driv med STN-dyr i Sør-Trøndelag sør for Trondheim.

Målet er å kunne kome saman med ujamne mellomrom for sosialt samvær og for å diskutere og utveksle erfaringar.


Vi tek sikte på å møtast hos Berit og Eldar Staverløkk i Soknedal 17.april kl. 20.00. Håpar mange STN interesserte fra området har lyst til å komme !

Kontaktperson:

Kjell Wickstrøm, 7340 Oppdal
Telefon: 72 42 36 28



37 ROSLIN etter 9063 Elven Hos Bitten og Eddy Pigato i Brønnøysund sommaren 1997



Marius, Espen, Nina og Anders med to av kyrne til Rolf Petter Tørres på Røros.

Kyrne er halvsystre. 67 Høstlin til v.er etter 9088 Rimbo, og 54 Bella til h.er etter 9065 Lijo.

Mor til kyrne er den no snart 12 år gamle 50 Aura etter 9032 Moen.

VANDREPREMIE !



Avslaget for STN har satt opp en vandrepromie som hvert år blir delt ut til eieren av den STN-kua som har gitt høyest avkastning målt i kilo protein siste kalenderår. Prisen, et maleri vi fikk av våre venner i Svensk Fjällrasavel til Avslagets 50-årsjubileum, ble delt ut første gang i 1997.

Dersom du har, eller kjenner til ei ku som kan vere aktuell kandidat til vandrepromien, dan du gi beskjed til avslaget på telefon 61 28 46 77 før 10.03.98.

Det er en forutsetning at den aktuelle kua ikke har mer enn 6,25% fremmed blod.

Styret

Kalender 1999


Vi skal prøve å lage en ny STN-kalender for 1999. Derfor inviterer vi alle "STN-folk" rundt omkring til å sende oss haugevis med STN-bilde! Vi ønskar oss alle slags bilde av STN-dyr, men aller helst "situasjonsbilde", det vil seie dyr i landskap eller med folk. Kalving, inseminering, mjølking – alt er interessant. Vi (Grete Løvaas og Atle Meås) er eineveldig jury, og kan ikkje love at vi kjem til å bruke akkurat dine bilde i kalenderen, men vi lovar i alle fall å sende bilda tilbake, anten vi brukar dei eller ikkje!

Det blir gratis kalender på alle som sender inn bilde som blir brukt!


**Send inn dine bilde til:
Avslaget for STN, 2634 Fåvang.
Innan 1.juni.**

Med ”siåtkua” i sitt rette element - på utmarksbeite


Å skulle ha mjølkekyrne på utmarksbeite er for mange ein viktig grunn til å velje STN-kua, og særleg i område med mykje seterdrift har rasen hatt ein ganske oppsving dei seinare åra. Mange har også den erfaringa at mange STN-kyr er svært gode bjøllekyr, som veit å kome heim att til mjølking. Det er jo ein heilt nødvendig eigenskap når kyrne skal beite fritt i utmarka. Har du erfaringar med STN-kyr på utmarksbeite kan du vel skrive litt om det og dele dei med andre gjennom STN-Bladet ? Vi tek i mot alle bidrag, store eller små, med takk.




27 SILVANA etter 9035 Korssjøen.
På frodig skogsbeite i Oppdal.
Eigar av kua er Ida Grøholt, Vognill



427 RØROS etter svenskeoksen 145 Tessar
og **402 SÆTERLIN** etter 9018 Sæther.
Hos Margot Meås, Rindalsskogen



149 FJELLDRAUM etter gardsoksen
Burmann. (e. 9053 Rønningen) Hos Liv
Torill Eide og Bjørn Huseklepp på Kvikne



131 NINA etter 175 Jo Moen (e. 9022
Wickstrøm) På Östra Grunubergs Fäbodar.
Eigar er Karl Gustav Hedling i Orsa, Sverige

Liste over STN-seminoksar


Det er 3 år sia sist vi hadde ei liste over seminoksane i bladet. Lista har vore etterspurt av fleire som ønskar å ha ho i fjøset, slik at ein kan finne ein aktuell okse når inseminøren kjem. Denne gongen har vi ikkje teke med dei oksane som er vraka. Vi har heller ikkje teke med dei eldste, langtidslagra oksane våre.

Dei fleste av oksane på denne lista kan bestillast direkte frå oksestasjonane, men dette kostar **kr 50,- pr dose** for oksar som ikkje står oppførte i siste års oksekatalog. Oksane 9018, 9020, 9024, 9045, 9049, 9087 og 9088 kan ikkje bestillast frå oksestasjonane.

Avslaget ser helst at oksane i oksekatalogen blir brukt mest mogleg. Dei fleste inseminørar har imidlertid oksar frå fleire årgangangar, og det er ingen ting i vegen for å bruke av desse. Lista omfattar dei oksane som er godkjente for bruk, og som kan finnast i inseminordunkane rundt omkring. Alle oksar med mindre enn 3,12 % innblanding av framandt blod vert rekna som reinrasa. All innblanding av framandt blod er likevel teke med i lista.

Dei STN-oksane som er vraka har vi hatt med liste over i bladet tidlegare. Denne lista kan du få frå avslaget, og alle sæddosar etter vraka oksar skal kastast ! Det enklaste og beste avlsarbeidet du kan gjere er å få ei liste frå inseminøren din over dei STN-oksane han/ ho har på dunken sin. Da kan du gje inseminøren beskjed om kva for oksar som eventuelt er vraka, og få han til å ta inn nye oksar dersom han ikkje har nokon som du meiner passer til dine kyr.

Har du spørsmål om oksar, okseval, bestilling av sæd eller anna, er det berre å ta kontakt med avslaget på telefon 61 28 46 77.



9111 HØGLO Fødd: 24.02. 1994 Hos Jan M. og Tove T. Høglo, Namdalseid Fot: HAH

Nr	Namn	Far	Mor	Morfar	Moras avdrått År-kg mjølk-% F-% P	Oksen sin farge	1 års vekt kg	Framandt blod i %
9017	IKAROS	9013	20 Litago	9000	3 : 4452 - 4,4 -	Svartsidet	402	1,6
9018	SÆTHER	9013	25 Dronning	8996	7 : 3211 - 4,3 - 3,5	Svartdroplet	384	
9019	FEMUND	9008	74 Julkoll	8989	3: 5845 - 3,7 -	Svartsidet	341	6,25
9020	JOWI	8998	21 Lykke	8981	12 : 4157 - 4,0 -	Svartsidet	359	
9022	WICKSTRØM	8987	23 Bliros	8998	8 : 5007 - 3,9 - 3,1	Svartdroplet	350	
9024	LANGEN	8989	84 Morban	9006	6: 5497 - 3,9 -	Brunsidet	391	
9032	MOEN	9022	101 Bliros	9000	6: 4524 - 4,3 - 3,5	Svartsidet, lys	355	3,12
9034	SILJAR	9004	33 Silja	8987	5: 4630 - 4,2 - 3,6	Svartsidet	392	1,6
9036	SEBU	Tyr	1 Stjerna	Gardsokse	3: 4700 -	Svartsidet, mørk	356	
9038	RUUD	8985	1 Knøttros	8989	4: 5371 - 4,0 - 3,2	Svartsidet	357	
9039	RAMIK	9017	40 Ramona	9019	2: 4885 - 4,1 - 3,5	Svartsidet	392	2,6
9043	HARSJØEN	9005	64 Dolly	9010	3 : 4526 - 4,4 - 3,4	Svartdroplet	361	
9044	HAVDAL	9030	32 Utopia	8987	6 : 5477 - 3,6 - 3,3	Svartsidet, mørk	351	0,8
9045	VINDØL	9030	139 Lotte	9004	5 : 5319 - 4,0 - 3,4	Svartsidet, lys	305	6,25
9049	MARO	S 76 717	60 Majros	9030	7 : 5280 - 4,2 - 3,4	Svartsidet		


Nr	Namn	Fär	Mor	Morför	Moras avdrått År-kg mjölk-% F-% P	Oksen sin farge	1 års vekt kg	Framandt blod i %
9052	BJARTE	9024	171 Livros	9008	4 : 4235 – 3,5 – 3,3	Svartsidet	352	4,9
9054	BAZAR	9028	190 Öra	9030	13 : 9351 – 4,4 – 3,7	Svartsidet, mörk		4,7
9055	HOPP	S 6636	88 Glittra	S 76 723	7 : 4433 – 5,3 – 3,8			1,6
9058	HAVDAL	9038	33 Silja	8987	5 : 4630 – 4,2 – 3,6	Svartsidet	349	1,6
9060	BJØKNE	9020	10 Janka	9022	1 : 7474 – 4,4 – 3,1	Svartsidet, lys	320	6,25
9061	MOEN	9039	172 Drole	9022	5 : 5557 – 4,5 – 3,5	Svartsidet, lys	359	2,9
9062	MYRAN	9022	10 Mairos	9008	3 : 3955 – 3,5 – 2,9	Svartsidet		
9063	ELVEN	9012	88 Kruslin	9024	3 : 5410 – 3,8 – 3,2	Svartsidet	353	
9065	LJJO	9020	6 Litaros	9008	13 : 5414 – 4,4 – 3,4	Kvit m svarte øre	350	
9066	MIRO	9049	45 Miranda	9009	9 : 4944 – 3,7 – 3,2	Brandsidet	347	0,8
9070	SÆTER	9052	37 Frida	9021	4 : 5000 – 3,6 – 3,1	Brandsidet	304	5,6
9073	MIRAMIS	9004	45 Miranda	9009	9 : 4944 – 3,7 – 3,2	Brunsidet	315	0,8
9080	SOLMANN	9039	91 Soløy	9024	6 : 4178 – 4,1 – 3,2	Svartsidet		4,4
9087	HARG	S 76 729	2 Nanna	9028	5 : 7040 – 4,2 – 3,4	Svartsidet		
9088	RIMBO	S 6570	219 Smula	S 76 717	12 : 7341 – 4,4 – 3,5	Kvit m rauda øre		

Nr	Namn	Far	Mor	Morfar	Moras avdrått År/kg mjølk-% F-% P	Oksen sin farge	1 års vekt kg	Framandt blod i %
9094	NAMDØLEN	9055	275 Sorba	9019	4 : 4305 – 4,1 – 3,3	Kvit m svarte øre	390	5,5
9095	KNUPP	9049	17 Knuppros	9004	5 : 5472 – 4,6 – 3,5	Svartsidet	374	4,7
9098	LURING	S 4206	134 Rara	S 6618	6 : 6228 – 4,7 – 3,7	Svartsidet		
9104	KORSAR	9024	74 Morban	9005	9 : 4174 – 4,6 – 3,4	Svardroplet	368	6,25
9108	DJUPVIK	9038	5 Dokka	9032	8 : 4212 – 3,9 – 3,3	Svartsidet	410	5,6
9110	HÅRSTAD	9009	211 Linnea	9005	6 : 4195 – 4,2 – 3,2	Svartsidet	413	4,9
9111	HØGLO	9018	261 Rosamunde	9043	6 : 3757 – 5,4 – 3,7	Svardroplet	350	0,4
9114	MORUGG	9020	186 Kvitsi	9024	9 : 5640 – 4,2 – 3,2	Svartsidet, lys	374	5,5
9116	MOTTO	9005	15 Løkkros	9030	9 : 5693 – 4,5 – 3,5	Kvit m svarte øre	336	
9119	SMÅSJØKONG.	9020	138 Terme	9058	4 : 3513 – 4,6 – 3,6	Svartsidet	350	3,1
9129	HAVDAL	9080	71 Hjertros	9040	6 : 5370 – 4,1 – 3,4	Svartsidet	351	2,6
9132	MORTEN	9068	261 Rosamunde	9043	6 : 3757 – 5,4 – 3,7	Svartsidet, lys	419	2,0
9138	LUDVIG	9098	15 Løkkros	9030	9 : 5693 – 4,5 – 3,5	Kvit m svarte øre	315	
9147	BRATTBAKK	9098	151 Dronning	9054	4 : 4317 – 4,1 – 3,1	Svartsidet	370	2,7
9148	NIST	9044	26 Sol	9036	5 : 4540 – 4,6 – 3,2	Svartsidet	343	5,0

OKSEKALVAR TIL SEMIN

Dei to siste åra har tilbodet av nye oksekalvar til semin vore noko betre enn tidlegare. Noko skuldast sjølv sagt at avslaget har importert 6 (7) kalvar frå Sverige, men også tilbodet av norske oksar har auka. Det er svært bra for rasen, da vi etter kvart kan foreta eit noko strengare utval enn det har vore mogleg å gjere før. Avslaget oppfordrar alle om å sende inn tilbod på oksekalvar som kan vere aktuelle. Har du ei ku som har fungerer godt i buskapen, er frisk og mjølkar bra, er ho kanskje aktuell som oksemor ! Oksekalven må imidlertid innfri ein del ”inngangskrav”, og vi tek med dei krava som avslaget har til aktuelle kalvar:

- ❖ Kalven kan ikkje ha meir enn 6,25 % innslag av framandt blod, det vil seie innslag av andre rasar enn STN og Svensk Fjällras. Avslaget er behjelpelege med å kontrollere avstamming og rekne ut eventuell innblandings-%.
- ❖ Mora sin avdrått skal ikkje ligge vesentleg under buskapsmedel. For STN-kyr i blanda buskapar, er det avdråtten til STN-kyrne aleine som ligg til grunn.
- ❖ Oksekalv etter kvige kan i spesielle tilfelle kjøpast inn.
- ❖ Det kan ikkje kjøpast inn meir enn to kalvar etter same ku.
- ❖ Kalven skal helst ha seminokse som far. Gardsokse (bør vere stambokført) kan aksepterast dersom denne tilfredsstiller dei krava som gjeld for innkjøp av seminoksar.
- ❖ Kalven skal minst ha kvit stripe (ål) etter ryggen. Svart farge blir prioritert framfor raud.
- ❖ Kalvar intill 2 månader gamle blir avrekna etter NRF sine takstar, med erstatning for føringsdøgn ut over 2 månader.
- ❖ Kalven kan ikkje vere eldre enn 6 månader når den blir sett inn på testingsstasjon. Avslaget må derfor få tilbodet i god tid før kalven når denne alderen.
- ❖ Buskapen skal i utgangspunktet vere fri for BVD-restriksjonar.



*Kanskje kan den håpefulle vere eit aktuelt emne til ny seminokse ?
Oksekalv etter 9063 Elven hos
Christian Saxlund i Imsroa.*

INSEMINERING AV OKSEMØDRE

Enda viktigare enn at avlslaget får tilbod om aktuelle oksekalvar, er det at vi får beskjed om du har ei eller fleire kyr som kan vere brukbare oksemødre. Da kan vi foreslå kva for okse som bør brukast til dei aktuelle kyrne, for å få til kombinasjonar som gjev mest mogleg interessante kalvar. Veldig ofte er det "feil" okse som er far til kalvane vi får tilbod om. Avlslaget har fleire oksar som har vist seg å gje svært godt avkom og som vi gjerne skulle hatt søner etter til semin, men vi manglar passande oksemødre å bruke dei på !

Avlslaget har på lager eit antal sæddosar etter ein del eldre, reinrasa STN-oksar som er sperra for vanleg bruk. Ein del av desse dosane er lagt på langtidslagring, som ei sikring av STN-rasen for framtida. Dei overskytande dosane er forbehalde bruk til aktuelle oksemødre. Her følger ei liste over dei oksane som er sperra. Ein del av dei vil avlslaget etter kvart prøve å få inn nye søner etter, andre har vi fleire søner etter no, og desse vil vi la "kvile" ein del år.

Okse	Far	Mor	Moras avdrått	Morfar
9004 SELO	8992	39 Fia	11: 3997 – 4,6 – 184	8067
9005 MONO	8993	47 Fjellros	10: 5205 – 4,0 – 208	8746
9006 NERO	8985	49 Fromlin	9: 4279 – 4,8 – 205	8275
9007 LANO	8989	46 Ada	9: 4881 – 4,4 – 215	8197
9008 KORO	8987	37 Vargo	12: 4480 – 4,3 – 193	8036
9009 SEVAT	8989	38 Staslin	9: 4413 – 4,4 – 194	8923
9010 ØST-TOR	8985	53 Rosenkoll	11: 4786 – 4,2 – 201	8922
9012 JOSU	8991	13 Fagerlin	8: 4223 – 4,3 – 182	8197
9013 ERI-NERO	8985	52 Jolin	8: 4561 – 3,9 – 178	8197
9022 WICKSTRØM	8987	23 Bliros	8: 5007 – 3,9 – 3,1	8998
9024 LANGEN	8989	84 Morban	6: 5497 – 3,9 – 214	9006
9045 VINDØL	9030	139 Lotte	5: 5319 – 4,0 – 3,4	9004
9049 MARO	S 76 717	60 Majros	7: 5280 – 4,2 – 3,4	9030


Fleire av dei yngre oksane våre er også sjølv sagt aktuelle å bruke til oksemødre, men dei fleste av desse er ikkje sperra for vanleg bruk.

Har du ei ku du meiner kan vere god nok til oksemor, kan du ta kontakt med avslaget og få råd om kva for okse du bør bruke. Dersom kua har ei "lugom" avstamming, kan det bli aktuelt å bruke ein av dei sperra oksane. Det er imidlertid eit par andre "klausular" for bruk av denne sæden, i tillegg til at kua må vere aktuell oksemor:

- ❖ Du kan gjerne kome med ønske om kva for okse du helst vil ha, men det er ikkje sikkert du får oppfylt ønsket ditt. Vi må mellom anna ta omsyn til avstamminga til kua og kva for okse avslaget helst vil ha oksekalv etter.
- ❖ Vidare forbehold avslaget seg retten til å kjøpe kalven om det blir oksekalv. Er du "heldig" kan du jo få ein kukalv med svært interessant avstamming, og som dermed seinare kanskje blir eit godt avlsdyr.

Har du spørsmål om innsending av tilbod om oksekalv til semin, spesialinseminering av oksemødre eller anna, er det berre å ta kontakt med avslaget !

Telefon: 61 28 46 77 Telefaks: 61 28 46 49



9012 JOSU Fødd: 04.08. 1974 Hos: John Sundt, Røros Denne oksen er einaste son etter 8991 Kal Bøgevoll (STN-Bl 3-97 s. 24) og ein okse vi skulle hatt ein seminokse til etter, i tillegg til 9063 Elven. Fotografert på Øyer Testingsstasjon, hausten 1975.

LIVDYRFORMIDLING

"Reppa STN"

Den st.bokførte gardsoksen 9146 Amund er til salgs. Født: 09.10. 1995 hos Amund og Elisabeth Wormstrand i Brandval.
Far : 9107 Løin. Morfar: 9049 Maro
Mor: 39 Løkkmari (STN-Bl. 1-97 s. 8)
4 års middelavdrått: 4793 – 4,8 – 3,5

Vi har også kviger/ oksekalver av STN til salgs leilighetsvis. Videre hvalper av West Highland White terrier og Chow-Chow. Rugeegg og kyllinger av div. gåse-,ande-, og hønseraser. Villsau, gammelnorsk spælsau (farga m/horn), svartfjessau, fjordhest og Shetlandsponni.

Grethe og Georg Hopstad
7194 BRANDSFJORD
Telefon: 72 53 61 75

Livdyrformidler:

Odd Rossing, 7633 FROSTA


Telefon: 74 80 78 35

Telefaks: 74 80 70 01

Kontortid:

Onsdager 15.00 – 21.00

Livdyrformidlinga er ei gratis teneste frå Avlslaget for STN. Det blir formidla kyr, kviger, oksar og kalvar. Annonsering av STN-dyr i STN-Bladet er gratis. Hugs veterinærattest og stamtavle ved all livdyrhandel.



*Reinrasa STN-kalvar er framleis mangelvare på livdyrmarknaden
Her er Gerd Inger Flå med ein del av sine ungdyr. Oppdal, hausten 1996*

Svindel lønner seg ikke

I februar 1997 ringte en gårdbruker til meg og sa at han skulle slutte med melkeproduksjon, og meldte på sine STN-dyr for salg til våren. På spørsmål om hvor renraset dyra var og om avstamming, fikk jeg til svar at dyra var så renraset som det var mulig med de okser som har vært tilgjengelig og at stamtavle skulle sendes med når dyra ble levert.

Flere gårdbrukere i Nord-Norge hadde stått lenge på liste for kjøp av dyr i påvente av at det skulle bli mulig med felles transport. Dette ble ordnet, og jeg ringte de aktuelle kjøperne og alle de frembudte dyra ble solgt med levering i april. Til kjøperne hadde selger bedyret at dyra var nærmest renraset. Pris ble avtalt og stamtavle skulle medsendes.

Første mottaker av dyr bor i Hattfjelldal, og umiddelbart etter at dyrebilen hadde kjørt defra, ringte kjøperen til meg og lurte på om STN-rasen hadde horn ? Av de to han hadde kjøpt, var det ei med horn. Her var det noe som ikke stemte, og jeg ba om at kjøperen sendte meg stamtavla på fax. Jeg ringte til selgeren og ba om å få tilsendt alle tilgjengelige opplysninger om dyra, uten å nevne noe om en misformøyd kjøper. Stamtablver og utskrifter fra husdyrkontrollen kom til meg på fax. Jeg ringte de andre kjøperne og ba om at de også sendte meg de papirene de hadde fått på dyra. Jeg sa også at de måtte vente med å betale dyra til det var i orden med stamtavler.

Det kom etter hvert inn klager fra flere av de andre kjøperne også. Et dyr så ut som en liten NRF-ku, to andre hadde nuvler, og opplysningsene om avstamming var meget mangelfulle. Ved å sammenligne selgers opplysninger til kjøperne med de opplysningsene jeg hadde fått, ble jeg fort klar over at her var det mye som ikke stemte. På gårdsstambøkene fra

husdyrkontrollen var det i enkelte rubrikker for far og morfar gjort tilføyelser med penn. Det hele forekom meg å være svært rotete.

Jeg sendte stamtavlene til Atle og ba ham se gjennom alt. Hans konklusjon var at stamtavlene var så ufullstendige, rotete, og upålitelige (flere dyr hadde både to og flere forskjellige fedre og mødre) at dyra burde vært regna som slaktedyr.

Kjøperne ble kontaktet, og at de ble forarget er mildt sagt. Jeg prøvde å bistå dem det beste jeg kunne, og det ble godt mottatt. Resultatet ble at selger fikk valget mellom å hente dyra og betale for fruktutgiftene som kjøperne hadde hatt eller godta slaktepris pluss drektighetstillegg minus fruktutgifter. Selgeren godtok det siste, men med slaktepris for dyra og ca 25.000 i fruktutgifter, ble nok tapet for selger ganske betydelig. Moralen er altså: Svindel lønner seg ikke !

Odd – 98

Melding frå valnemnda

Årsmøtet 1998 nærmar seg, og forslag på nye kandidatar til styret i avslaget må valnemnda få beskjed om innan 1.mars. Det blir halde val på formann, 2 styremedlemmar og 3 varamedlemmar til styret.

For valnemnda 1998

Atle Meås
2634 FÅVANG
Tlf: 61 28 46 77

SNÅSAFEET

Det vi i dag kjenner som Sidet Trønderfe og Nordlandsfe var i "stadeigenheits-perioden" fra sist i 1880-åra og utover, ei samling av fleire lokale feslag. Desse var av same type, men med einskilde lokale "tilsnitt" for dei einskilde feslaga. Rørosfe, Trysilfe, Snåsafe, Nordlandsfe og Finnmarksfe var under ein forholdsvis kort periode halde for å vere forskjellige feslag, spesielt tilpassa dei områda der feslaget fanst.


I Rørosområdet var ein tidleg ute med organisert avlsarbeid og Rørosfeet kom til å dominere i utviklinga av det som seinare vart Sidet Trønderfe. Etter kvart kom tyngdepunktet for avlen av sidet trønderfe til å flytte seg, til dalbygdene lenger vest i Sør-Trøndelag; Oppdal, Meldal og Rennebu.

I Snåsa og dei omkringliggende bygdene i Nord-Trøndelag var det først på 1800-talet mykje kollet fe. Ein del Ayrshire og Telemarksfe vart brukt i desse bygdene, før ein tok til å avle fram att av det feslaget som ein meinte var av mest mogleg lokalt opphav.

I Holtsmarks husdyrlære frå 1910 blir "det kollede Fjeldkvæg" i Nordre Trondhjems Amt (Nord-Trøndelag fylke) omtala slik: "Hvitt kollet med sorte eller lyserøde ører, ofte med droplet eller flekket på siderne. Helt sorte eller helt røde dyr forekommer også, men sjeldnere." O. H. Morseth skriv i Tidskrift for det norske landbruk, om sortsidet trønderfe i 1920;

"I de fleste bygder, hvor det stedegne feslag er nogenlunde rent og ikke helt gått op i den planløse Ayrshireblanding, er dog den sortsidede type for det meste fortrængt av en rødsidet pendant, som har sit egentlige hjem i Snaasa, og benævnes derfor også ofte Snaasafe. Da det

sortsidete og det rødsidete få formodentlig maa henregnes til samme rase, vil det være riktig for eftertiden at opta betegnelsen "Sidet Trønderfæ" som navn for begge typer".



1133 SPELMØY Fødd: 10.10. 1921


Hos: Ivar Stovra, Snåsa

Raudsidet, brystomfang 164 cm.

Ei gild Snåsaku som fekk 1. Premie og 1.

Premie for høg avdrått (Levanger 1932)

Beste 3 års-middel: 3555 – 4,3 – 152



1225 SONJA Fødd: 13.12. 1924

Hos: H. P. Svarva, Snåsa

Raudsidet, brystomfang 171 cm

2. premie, utvalgssjå Snåsa



SKJØNNBORG 8477 Fødd: 1947
Hos: Nikolai Klev, Jørstad, Snåsa
Beste 3 – årsmiddel: 4863 – 4,7 – 230
1. Premie Ekeberg 1959
STN-ku med 50 % Snåsa-blod.


Kua **8476 Minde** var fødd 02.10. 1943 hos Sivert Bomo i Snåsa. Faren, 4691 Kollbein, var av "standard" STN-avstamming. Mor til Minde derimot, 5940 Stjerna var ei ku med gammal Snåsavstamming. 1133 Spelmøy på førre sida var farmorsmor til Stjerna.




8476 MINDE
Beste 3 – årsmiddel: 4923 – 4,7 – 233

20.12. 1953 fekk Minde ein oksekalv etter 5429 Lykemann. Denne kalven kom seinare til Lønset Feavlslag på Oppdal, og vart stambokført som 8275 From. Sjå STN-Bladet nr 2 – 96 s. 12.

I Lønset Feavlslag fekk 8275 From den vanskelege oppgåva å skulle følge opp dei gode resultata som den vidgjetne 5292 Geir Lønset med 1. Avkomspremie hadde prestert. Dette greide From med glans, og også han fekk den sjeldne utmerkinga 1. Avkomspremie. 8275 From vart i sin tur morfar til 9006 Nero, og mmf til 9013 Eri Nero. Nero har dermed 1/16 (6,25 %) av avstamminga si frå Snåsafeet. Avslaget har no teke inn to nye søner etter 9006 Nero, og genane frå Snåsafeet vil finnast i STN-rasen også i framtida.



8275 FROM
1. Premie og 1. Avkomspremie



10068 JONA Fødd: 29.11. 1957
9 år: 5083 – 5,1 – 259
Ei av dei mange gode døtrene etter From

Østerdalen kaller I

Her sitter jeg på toget. Jammen spurte konduktøren om jeg hadde noen form for rabattkort. Jeg hadde et som gikk ut for tre måneder siden. Han fikset bytte av utgått kort på neste stasjon vi stoppet, og da tjente jeg inn hele biletten, samt at jeg hadde har rabattkort resten av året. Snakk om omsorg og service.

Apropos service, så nærmer vi oss valg i STN-laget. Nye medlemmer skal inn i styret, og tidligere medlemmer skal tre ut. I den anledning lurer jeg på om du har gjort deg noen tanker om hvordan du ønsker det nye styret.

De sittende styremedlemmene er alle forskjellige, men ett har de til felles, og det er at man aldri hører fra dem. Ikke en linje girde de å skrive i bladet. De eksisterer via referater fra styremøtene. Er der tilfredsstillende ?

Rart ingen av dem har en fanesak eller en kjephest som de ønsker medlemmene skal ta del i. Ja, ja det er her jeg har en klar oppfatning om hva det betyr å sitte i styre og stell.

Noe jeg personlig ikke liker, er langdryge valg. Det velges og velges, uten at man aner noe om dem man velger. Konsekvensen av valget er oftest intet tankekors, men mange våkner i ettertid. Da kan det være for sent! Husk at man får lederne man fortjener. Fy for en skjebne. Kanskje bør vi før årets valg gjøre oss opp en mening om hva vi vet om kandidatene. Er de ukjente, kan man jo kontakte vedkommende eller valgnemnda. Husk at informasjon er kunnskap. Valget vi gjør, vil få konsekvenser for vårt levebrød.

Hvis de som stiller til valg ikke vet hvorfor de vil ha en plass i styret, bør de kanskje få andre oppgaver ? Det samme gjelder forsåvidt også sittende styremedlemmer.

Godt valg !

Christian Saxlund
Stor-Elvdal

Østerdalen kaller II

Det gjelder en, for noen, liten sak. For andre er det kanskje en stor sak. Det gjelder avslagets kjøp av en oksekalv.

Før salget ga selger uttrykk for at man ønsket å kjøpe oksen i retur ved avslutning av sædtapping. Svaret var ullent. Det var ikke ja eller nei. Døren sto på gløtt, og avslaget henter oksen.

Tiden går og selger søker om gjenkjøp av oksen. Søknaden avslås av prinsipielle årsaker. Man sammenligner med en annen søknad om kjøp av seminokse. Denne søker er ikke tidligere eier av oksen. Her henvises til regelen om at seminokser ikke selges.

Jeg bifaller avslagets avgjørelse i saken om kjøp av seminokse fra annen oppdretter. Oksene bør ikke omsettes på det åpne marked. Det vil få økonomiske konsekvenser for avslaget.

Avslagets avslag til søker som hadde reservert seg, før salget, bifalles ikke. Jeg føler at her har noen i styret gjort/ sagt noe man ikke burde sagt. Man henviste ikke til forskrift eller prinsipper, men at man ville se på saken.

Hadde selger forstått at man red prinsipper og forskrifter, ville kalven aldri vært solgt! Selger er avhengig av gårdsokse.

Intrykket er at styret prøver å være smarte. Man sier ”kanskje”, får kalven, for så å snakke om prinsipper. Senere sammenligner man sakene, selv om de er totalt umulige å sammenligne. Den ene søker er jo tilfeldig, mens den andre er oppdretter som uttrykkelig sa at man ønsket gjenkjøp.


Med tillatelse fra selger av kalven blander jeg meg i sakens gang. Jeg føler at man i styret har problemer med kommunikasjonen. Ingen tør ta aksjon i saken. Gå inn og ordne så partene blir enige på begge fronter.

Kunne ikke styret ta kontakt for å løse det hele. Man inrømmer jo at reservasjonen om gjenkjøp ble nevnt. Man snakker om ”feil” i utgangspunktet. Men snakke med berørte parter – nei. Man kan jo anke. Avslaget fulgte ikke forskriften, nå får man ta konsekvensen.

Er styret handlingslammet i sin redsel for å ta en tøff avgjørelse ? Mangler de evnen til å finne veien i tøft terrenget ?

Husk at det snart er valg. Da bør man ta hensyn til slike saker som denne. Evner man å skape gode løsninger, eller bare splid.


Christian Saxlund
Stor-Elvdal



Gjer avslaget ku- eller oksevending i saka om gjenkjøp av okse levert til semin ??
Oksen på bildet har forøvrig ingen ting med brevet fra Christian Saxlund å gjøre. Det er den stambokførte gardsoksen **9135 BALDER** hos Hermod Lilleenget i Levanger. Far til oksen er 9019 Femund og morfar er 9055 Hopp. Balder har forøvrig aldri vore på seminstasjon.

”Frå det gamle stjernegalleriet”

Under denne overskrifta starta vi i førre utgåve av STN-Bladet ein ”serie” med berømte STN-kyr. Storfeutstillingar var viktige i avlsarbeidet, og folk var med rette stolte av god-kyrne sine. Dei beste dyra vart oftast fotograferte på utstillingane, og vi har via desse bilda viktig dokumentasjon på korleis dyra såg ut den gongen. I dette bladet har turen kome til ei flott ku som vel har etterkommarar i dei aller fleste STN-buskapar.



21 Fryda 8793 Fødd: 09.12. 1951 Hos: Ola J. Torve, Oppdal

Far: 4773 Dagfinn Jordet Mor: 7 Svan Morfar: 1624 Ruben Dørum

1. Premie, Oppdal 1961: ”Lang ku med god rygg, litt senka lend, litt vippende kryss, gode lår og bein. Stort, romslig jur, noe lange spener.” Brystomfang: 169 cm

Årsavdråttar:

1954:	2780 – 4,4 – 122	1961:	6128 – 4,8 – 295
1955:	4198 – 4,4 – 189	1962:	4555 – 4,7 – 216
1956:	4564 – 4,6 – 212	1963:	5802 – 4,6 – 267
1957:	5345 – 4,8 – 255	1964:	5462 – 4,5 – 245
1958:	2884 – 5,4 – 155	1965:	4804 – 4,8 – 228
1959:	6766 – 4,7 – 316	1966:	4563 – 4,3 – 197
1960:	6687 – 4,9 – 329	Middel 13 år: 4964 – 4,7 – 233	

Fryda er mor til oksen 8987 Fryd Torve (STN-Bl 3-96 s.16) og gjennom han farmor til 9008 Koro, 9021 Hårstad og 9022 Wickstrøm. 9022 Wickstrøm er jo i bruk i inneverande seminsesong, så det blir snart mange nye kalvar som har 8793 Fryda til oldemor !

Jubileumsgenser

Jubileumsgenseren er strikka i finullgarn med hvit eller mørkegrå bunn. Mønsterfarge i mørkegrå eller hvit. Innslag av fargene rød, grønn, blå og oker i bord. Modellen er fremdeles under utarbeidelse. Damemodellen har mindre bryststykke og mindre ku. Du kan få tre ulike halsløsninger:

- 1) Firkantet åpning
(som på damemodellen).
- 2) Rett avslutning
(som herremodellen).
- 3) Rett avslutning
med liten splitt
midt foran
med hekte.



Har du spesielle ønsker, er det muligheter for å tilpasse de til hver enkelt.

BESTILLING

For nærmere informasjon
Og bestilling, kontakt:

Kari Vårhus, 7460 Røros
Tlf: 72 41 00 02 eller 72 41 55 76

Navn:.....

Adresse:.....


Postnr./ sted:.....

Tlf.:.....

Antall	Lys bunn	Mørk bunn	Størrelse
— Maskinstrikka genser	<input type="checkbox"/>	<input type="checkbox"/>	_____
— Pris kr 1050,-	<input type="checkbox"/>	<input type="checkbox"/>	_____
— Handstrikkagenser	<input type="checkbox"/>	<input type="checkbox"/>	_____
— Pris kr 1200,-	<input type="checkbox"/>	<input type="checkbox"/>	_____
— Pakke med mønster og garn	<input type="checkbox"/>	<input type="checkbox"/>	_____
— Pris kr 600,-	<input type="checkbox"/>	<input type="checkbox"/>	_____

Returadresse:
Avslaget for STN
2634 FÅVANG

C



Dette bildet av ein av årets seminoksar, **9148 NIST** fekk vi for seint til at det vart med i siste blad. Nist er fødd 02.03. 1996 hos Fosen Folkehøgskole i Rissa. Far til oksen er 9044 Hvdal, og mor er 26 Sol etter 9036 Sebu. Foto: Hans A. Hals

Ei av avslagets sine hovedoppgåver er å skaffe nye, brukbare STN-oksar til å sette inn i semin. Vi treng imidlertid hjelp frå alle som driv med STN-dyr for å få til dette. I dette STN-Bladet tek vi derfor opp litt av det som kvar enkelt kan gjere for å vere med å drive avlen i rett retning.

STN-Bladet

Medlemsblad for Avslaget for Sidet Trønderfe og Nordlandsfe.

Opplag: 2000 ex. Utgåver på år: 3

Trykk: Dale-Gudbrands Trykkeri A/S, 2635 TRETEN